

# Parlamentario Glenbert Croes ta drenta Parlamento renova y honra!



ORANJESTAD (AAN) – Parlamentario di Fraccion di MEP, señor Glenbert Croes tambe a huramenta, y ta bin como miembro di Staten renova y hopi honra cu e mandato cu pueblo a dune.

Den entrevista cu Matutino DIARIO, el a menciona cu prome biaha el a drenta Parlamento cu 26 año. Cu 25 a drenta den Politica, y awor ta bin Staten back cu 47 año.

Awor e tin un trayectoria di bida y un perspectiva diferente pero cu un sentimento di amor pa su pais, pa su pueblo inspira pa su amor di tata pa su yiunan, y esey ta guie y motive, cu fe den nos gran Dios cu e lo bay sirbi interes na maximo honra pa nos pueblo.

E ta drenta Parlamento back elegi door di pueblo Arubiano pa traha pa nos futuro generacion tambe, pa partido MEP cu hopi sentimento particular pasobra e ta e partido cu su tata Libertador Betico Croes ta fundador, y e ta inspira pa su recuerdo semper pero realizando cu den e Aruba di awe tin retonan nobo cu mester cumpli cune, y tin tarea y misionnan grandi cu tin cu cumpli cune pa e pueblo aki, y locual ta sigur e kier pa na final di e cuater añanan aki, cu e por mostra henter e pueblo cu e no a defrauda su confianza, pa cumpli cabalmente cu e mision cu pueblo a encomenda su persona y esey ta bay ta e lucha pa e proximo cuater añanan.

El a agrega cu el a drenta politica cu dos pia y no cu un. Esey kieren cu e tarea cu e por a haci e ultimo ocho añanan como politico retira, ta pasado. El a bolbe drenta pa dedica su mes exclusivamente pa lucha pa e porvenir di Aruba, y esey ta bay ta su causa y e mision cu pueblo a encomende. Prioridad di frac-

cion di MEP, el a subraya, ta pa baha e debe astronomico cu nan ta categoriza como mega debe, sin cu e pueblo wordo castiga cu medida, lucha pa baha prijs di awa y coriente cu nan vision di hydro-cable cu su amigo y compañero

Chris Romero a presenta den campaña, contrario na e energia berde di mulina di biento cu no ta baha e costo di energia. Tambe amplia e canasta basico pa nos pueblo por haya un alivio y mehoracion pa baha costo di bida pa henter

e pueblo di Aruba. Atencion lo wordo poni riba comba-timento di criminalidad, salubridad publico, inversion den enseñanza pa asina salba e futuro di nos pais. Tambe lo lucha pa apertura di nos refin-eria cu su ciere ta afectando

enormemente e diversidad di nos economia, y percura pa den un bon entendimento y respet pa e relacion cu Hulanda, lo conserva e status aparte di nos pais como modelo di desaroyo pa e pueblo y pais aki.